

懋齋詩鈔

出版說明

懋齋詩鈔殘卷，清愛新覺羅敦敏（一七二九—一七九六）撰。敦敏是曹雪芹的好友之一。在這個殘本裏，保存了一些他們之間彼此過從和倡和的詩篇，這是了解曹雪芹生平比較珍貴的資料之一。今用南京圖書館藏原稿本影印，以供研究紅樓夢者的參考。

懋齋詩鈔

蘊輝閣藏自乾隆二十九年
戊寅起至三十一年庚辰止共

二百四十首其割裂不充一篇想皆刪而不
留者然草率惜只一卷約不止此也予有四松
堂集今又得此殘本故畧為黏補成卷固
並識之壬戌仲春二十九日燕野頑民

懋齋詩鈔

宗室

敦



東臯集

自山海歸謝客閉門唯時、來往東臯間。蓋
東臯前臨潞河。潞河南去數里許。先塋在也。
漁罾釣渚。時繪目前。時或乘輕舫。一槁蘆花
深處。遇酒帘輒喜。或三五杯。隨風所之。得
柳陰。則維舟吟嘯。往、睡去。至月上乃歸。偶
或有所得。輒寫數語。以適情。率以為常。然未

嘗示人也。癸未夏，長日如年，偶檢篋，行數年得詩若干首。大約煙波漁艇之作居多。遂以東臯名之。夫煙波漁艇，素所志也。他年小築先塋之側，一棹滄浪，想笠屐歸村，應不至驚犬吠也。書此，以代異日卜居左券。

○水南庄△

緩步臨流，四野賒。水南庄外釣竿斜。小橋野草歸村路，隔岸垂楊賣酒家。蘆荻煙深聚網罟，萍波水暖長魚蝦。小園終日閑淩手，種菜還魚學種瓜。

抄。謁三忠祠。諸葛武侯。岳武穆。文信國。

三忠廟貌古祠堂。下馬遥瞻肅客裳。同為中原謀
帝業。獨留遺像付空王。江山西蜀餘荒草。宮殿南
朝冷夕陽。斷碣殘碑倍惆悵。蘆花楓葉搃悲涼。

題敬亭弟松崖披卷圖一首

花木幽深蔭小軒。倩誰重譜舊西園。閒牕看罷添
惆悵。三十年前莫謾論。

射鵬試遍郊原馬。懷古曾傳塞上歌。更向林泉深
逸趣。一人一卷對烟蘿。

邊抄

抄。

層岩蒼翠古松邊。倚石臨流倍適然。隨處家山堪
傲隱。他年不屑買山錢。

想見廬山面目殊。丹青臨墨費躊躇。欲將峭石孤
松畔。添個東坡笠屐圖。

登觀音閣弔安親王故園。

落木響蕭颼。遙登古佛樓。白雲樵子徑。黃葉廢園
秋。臺榭啼烏恨。邱林落日愁。臨風弔遺跡。竹外梵
聲幽。

宏善寺題壁兼贈曇瑞上人。即和壁間惺存。

居士韵四首

衣塵抖擻見真宗。禪室從教一榻容。見說清談兼妙法。座中詩句鉢中龍。

郊園落日悵西風。荒草芊綿曲徑通。一瓣禪龕何處所。上方清磬一燈紅。

載酒閒看古寺花。探幽靜院絕塵譁。詩人老去空遺蹟。壞壁龍蛇勢整斜。

夢幻驚從蓮座傍。蒲團香火坐僧房。石壇影落歸途晚。今古鐘聲一夕陽。

自
抄

抄

登慶豐閣有懷敬亭

古渡人煙濶。溟濛薄板東。秋連野水碧。霞入晚山紅。蘆老漁舟聚。草荒村肆空。獨來登眺意。一鴈叫西風。

王植三槐自山海關至

人自榆關至。相逢感舊遊。風烟遼海月。行旅薊門秋。小話憐深夜。豪呼上酒樓。遙思往事無那付閒愁。

村宿

柴扉薄暮靜。高卧洽疎慵。村祭隔林火。風聲遠寺鐘。
夜昏聞犬吠。屋老借雲封。更喜沽來便。寒深酒興濃。

清明東郊已下已卯

郊原寒食候。曉日出城闌。古渡花爭發。荒祠草又
新。野烟人上塚。啼鳥自含春。無限幽棲意。臨風一
愴神。

青帘遙隔岸。野肆綠楊煙。把酒問漁艇。臨風試馬
蹄。孤篷春水濶。古寺夕陽低。薄暮未歸去。人家烟

樹迷

○送汪易堂南歸省親○首△

別味廬溝路。匆匆攜手餘。高風行跡杳。古道客囊虛。燕市悲長鋏。西湖有舊廬。駕言賦歸去。不是爲鱸魚。

一劍輕行橐。單車出薊門。青衫遊客。白髮老親恩。烟水江天濶。鶯花鄉路繁。秋風桂子月。預設故人樽。

○春暮同敬亭貽謀泛月○首△

入

秋

晚風寂寂水潺潺。載酒臨流買釣船。莫漫夜遊愁秉燭。孤帆明月綠楊烟。

樹色溟濛綠幾行。臨河亭子水南庄。荒祠古墓鴉風晚。半夜水聲齒壞塘。

流水無人古渡頭。大家爭取小漁舟。月光波色明於鏡。欲把閒身托野鷗。

微波瀲灩月玲瓏。深夜迎人擘柳風。重酌殘杯迴船尾。一篙遙指小橋東。

春日偕敬亭貽謀載酒遊道院用少陵題張

氏隱居韵即題其壁上

東風野外幾探求。曲徑遙尋道院幽。
松影石壇深古洞。竹烟丹竈小林邱。
平臺花閣宜豪飲。斜日鐘聲感舊遊。
咫尺蓬萊絕塵俗。此身莫漫問仙舟。

懷易堂次敬亭韵四首

書劍今何處。翻憐作客時。探奇過廢寺。弔古訪遺
碑。水濶孤帆遠。春寒旅雁遲。頓教離別意。往事倍
堪思。△

憶昔秋深候。同君客錦城。臨風當月上。把酒看潮

生舊路長新草。荒山餘亂荆。悠々隔南北。落日不勝情。

相逢頻把袂。回首訂交初。燃絮供分韻。擘牋試較書。豪呼春酒暖。小話夜窗虛。依舊琴樽在。空勞嘆索居。

金山泉第一。茗戰自然工。更擬食新筍。還憐摘晚菰。人思京路北。鄉味越江東。到日歌烟棹。西湖明月中。

記得凌河畔。烟波學釣徒。舊遊悲雪爪。春事點花

還抄

還抄

鬢越水吟歸客。燕山靜掩廬。通津南去路。日望北來艫。

○二閘遲敬亭不至

臨風一棹起扁舟。蘆岸村帘分外幽。湍耳濤聲流不盡。夕陽獨立小橋頭。

○水南庄題壁同敬亭貽謀用蘇韵。

荒盡園林頽盡山。泊船此地共畝連。廢祠亭畔生新草。村菜籬根漱野泉。隔岸綠楊茅店酒。片帆飛鳥夕陽天。詩人老去空流水。誰復當年逸事傳。

曉雨即事

浙瀝霰驚曉夢中。捲簾雲氣正溟濛。
小塔亂落槐花雨。低幙斜穿燕子風。
遙看絲絲冒烟柳。坐聽細細打窗篷。
海梅昨買豐臺種。喜見宵來分外紅。